



Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i člana 5. stav 3. Zakona o fiskalnim sistemima ("Službene novine Federacije BiH", broj 81/09), na prijedlog federalnog ministra finansija- financija, Vlada Federacije Bosne i Hercegovine, na 12. sjednici održanoj 29. juna 2011. godine, donosi

**ODLUKU**  
**O ODREĐIVANJU DRUGIH DJELATNOSTI KOJE**  
**NE PODLIJEŽU OBAVEZI EVIDENTIRANJA**  
**PROMETA PUTEM FISKALNIH UREĐAJA**

I.

Ovom odlukom određuju se druge djelatnosti kod kojih obavljanja, polaze i od tehničkih i funkcionalnih karakteristika fiskalnog sistema i specifičnosti obavljanja tih djelatnosti, ne postoji obaveza evidentiranja prometa preko fiskalnih uređaja propisana u članu 4. stav 1. Zakona o fiskalnim sistemima ("Službene novine Federacije BiH", broj 81/09).

II.

U smislu tačke I. ove odluke, pod drugim djelatnostima kod kojih obavljanja ne postoji obaveza evidentiranja prometa preko fiskalnih uređaja, propisuju se sljedeće djelatnosti:

- a) djelatnosti javnih zdravstvenih ustanova
- b) djelatnost organa uprave i upravnih organizacija
- c) djelatnosti pravnih lica koja vrše profesionalnu rehabilitaciju osoba sa invaliditetom i registrovanu djelatnost obavljaju upošljavanjem preko 50% lica sa invaliditetom, čiji stepen invalidnosti iznosi najmanje 50%

- d) djelatnosti Crvenog krsta/križa Federacije Bosne i Hercegovine propisane Zakonom o crvenom krstu/križu ("Službene novine Federacije BiH", broj 28/06) i druge humanitarne djelatnosti humanitarnih organizacija, udruženja i fondacija koja nisu registrovana za obavljanje privredne djelatnosti
- e) taksi djelatnost koju fizička lica obavljaju sa samo jednim (vlastitim) vozilom
- f) djelatnosti obrtnika i srodnih djelatnosti koji paušalno plaćaju porez na dohodak
- g) djelatnosti Komisije za vrijednosne papire, Registra vrijednosnih papira i društava za upravljanje fondovima, prilikom obavljanja poslova finansijskog posredovanja
- h) prodaja na tržnicama na malo (pijacama), koja se obavlja izvan trgovačkih radnji koje su rješenjem nadležnog organa registrovane za djelatnost trgovine
- i) prodaja na štandovima i stolovima izvan tržnica na malo, koja se obavlja na mjestima za koje je nadležni organ izdao odobrenje.
- j) advokatska djelatnost

### III.

Ova Odluka stupa na snagu narednog dana od dana objavljivanja u "Službenim novinama Federacije BiH".

V. broj 298/12  
15. marta/ožujka 2012. godine  
Sarajevo

Premijer  
**Nermin Nikšić**, s. r.